



QUÆSTIO MEDICA

QUODLIBETARIIS DISPUTATIONIBUS.

MANE DISCUTIENDA

IN SCHOLIS MEDICORUM,

Die Jovis 15. Novembris.

M. PETRO DAQUIN

DOCTORE MEDICO, ET REGIS.
ordinario Medico Præside.

An vulsu matris similes patrem animo referunt.

I.

GENEROSA prole beata parentum fœcunditas varios suæ felicitatis gradus, temperiæ natorum simili, æquo virium robore, firmæ valetudinis, & non degeneris animi explorata spe distinguit, & notat, at nunquam illa sese lætior extulit, quam propter exactam parentes inter & natos similitudinem, qua quicquid in utroque parente optimum est, totum in liberos sic transmittitur, ut quod in altero parente seorsim excellit, in prole expressum seorsim quoque emineat, & cum paternæ maternæque corporis & animi bona obtineat filius, *amplius* quantum à patre tulerit, seposita matris laude, possit agnosci. Equidem viri proprium est præstare animo; muliebri; & matris

2.
præcipuum est, quod in vultu potissimum elucet, formæ decus. Igitur cum futuræ prolis in spem ambo convenerint, & suis uterque bonis ditandam susceperit: ecquid parentum vota cumulatiùs implere potest, quam proles vultu matrem, patrem animo referens? Talem creati fortibus natura nunquam negavit.

II.

CAUSÆ, quæ vultum matri, patri similem animum referunt, effectû dispares, genere & virtute consentiunt: quæ vis enim primam in cerebro medullæ affusionem temperat ad animi præstantiam, eadem os, oculos, nares, aures, patentes foris ad animum vias aperit, atque inchoatam vultus cum alterutro parente similitudinem, aggesta demum carne, faciei cava implens expressioribus lineamentis, ad perfectam patris vel matris imaginem adducit. Animus vero pars hominis præcipua, parentum similis merito habendus est, propter similem partium, quibus ille in agendo utitur, temperiem, & conformationem, ambæ si congruant, par in filio cum patre, ingenij, & virtutis futura laus. Maxima enim & solida natorum cum parentibus similitudo vultus, vel animi, levis vero, quam incessus facit, gestus, vox, nævus alicubi aliquis, hæc corpore tenus natos assimilant, nihil animum attingunt, quamvis autem alterum parentem vultus, alterum animus referat nihilo difficilior hujus ex illo conjectura propter summam partium consensionem, tum quæ animo sese agitati inseruiunt, tum quæ extrinsecus posite, vultum effingunt, & quasi in aditu sedentes, admonent, quis sit, & quantus, qui intus hospes habitat.

III.

ANIMUS sui quondam architectus domicilij, modo concepta humanæ molis primordia rite coiverint, incæptum generationis opus ita impellit, ut quidquid in semine virile magis inest, sincerum secernat, & uberrimè eo conferat, qua mox sese regia mentis attollet, atque universo sensuum satellitiò, ubi statio futura est: haud parcius virilitatis aurâ cæteris partibus internis affusâ. Hac perfectâ similitudinis delineatione, quam duxit noster ille conditor, totum patrem interiori in cœnaculo depictum recondit. Cætera quæ foris spectantur à matre sumi sinit; neque enim huic deest, quod in natum conferat, atque expressâ in vultu imagine suum esse comprobet; sic filius utrinque agnoscendus nascitur, constantibus in vultu animi indiciis, atque inter teneras vultus, matrem referentis blanditias, enitente paternâ virtute, sic explicatæ, qui fulget, in matre frontis honos, dum in puero, aut paulo proVectiori tam late sese pandit, laxiora æthereæ mentis patlatia paternis opibus condita demonstrat. Sidereus vero oculorum

3

splendor, & totius faciei ambitus inemendabilis in adultâ quidem suavissimos mores indicant, quod si tantum formæ decus, forti-
nerofoque viro amica fors conjunxerit; quid censes si prima par-
tium in compage pater omnia præbuerit, quæ virili animo conve-
niunt; aptum cerebri & sensuum temperamentum, compactam
cordis molem, & ampla in eo sanguinis & spirituum conceptacula,
qualis ore, qualis animo futura est soboles, quam patri, & matri
quâ similem fore putas?

IV.

PATERNŌ animo prolem nasci semper expedit, vultu ma-
terno decet, diversæ similitudinis consortio solenne animi &
formæ dissidium componente & matre utrobique ad vultum, &
corpus, patre ad animum, & mores formandos multo plus con-
ferente. Alterum enim è parentibus unum & totum ore, totum
animo referre rara proles valuit; frequentius nascitur qui fæminea
membrorum teneritudine virilem in pectore animum gerat. Res
est non insolens utrique parenti vultu similis filius, sed diversa in
uno vultu effigies & implicita geminæ similitudinis argumenta vul-
gares ludunt oculos, curata Medici acies perspicit, & confusa si-
mulachra dividens, quæ sint cujusque signa intelligit, atque inde
varias animi propensiones, qui morbi vitio parentum à corpore
animum percellunt, atque inter natos his maxime fore obnoxium,
qui animo magis quam vultu ægrum parentem retulerit: est enim
vultus cerebri appendix, totius corporis compendium, & dum ex
illius propagatis partibus effingitur, hujus plurimos affectus vel
instantes, vel futuros prænuntiat.

V.

INTER efformandi corporis momenta, quidquid in partibus
exprimere animus valeat, haud tamen est infinita atque inter-
minata illius vis, hanc moderantur relictæ in semine species, qui-
bus suspensâ opificis agilitas, & in eas sese intendens quales in pa-
rentibus, tales in natis partes reddit, usus facultate, structuræ com-
positione, & lineamentorum conformatione similes. Atqui hæc
vel maxime omnem parentum, & natorum similitudinem consti-
tuunt: quæ tamen in vultu & iis locis quæ frequentat animus magis
insignia appareant, quam uspiam in corpore. Attamen difficilem
etiānum habitura sit intellectum diversa in uno duorum similitu-
do, ni bene, quis æstimaverit, quid in semine sit à patre vel à ma-
tre potentius; etenim in semine sunt partes quæ invicto & aliis præ-
pollenti robore formatricem adigunt immutabili typo cedere, &
alterum alibi, alibi alterum parentem effingere translatitia simili-
tudine. Ut ut sit, quam diversis semen partibus constet, est tamen
illarum quædam comparatio, qua perfectissima simul, & parenti-

bus simillima proles prodire possit explicatissima, tam felicitis ortus ratione commissa: suscipiendæ prolis amore parentum vota recolantur, quæ res alterum alteri maxime commendavit hac certe ambo prolem similem optaverint patrem animus, matrem oris & vultus gratia fere commendat, igitur utraque laude neque minor neque dissimilis proles nascitura fuit, nisi natura sui moris oblita quod perfectissimum genuit, idem causis dissimillimum edere potuerit.

Ergo vultu matri similes patrem animo referunt.

DOMINI DOCTORES DISPUTATURI.

M. Henricus Mabien.
M. Claudius Guerin.
M. Paulus Mattot.

M. Carolus le Long.
M. Ludovicus Morin.
M. Petrus Lombard.

M. Martinus Akakia.
M. Nicolaus Richard.
M. Claudius Guerin.

Proponebat Lutetiæ JOANNES ARMANDUS
DE MAUVILLAIN, Parisinus. A.R.S.H.
MDCLXXIV.

P A R I S I I S,
Apud FRANCISCUM MUGUET, Regis & Illustrissimi Archiepiscopi Parisiensis Typographum,